

Արրահամ ասոր բնիկ երկիր գրէ, «Մոս-
« քով կու լինի. որպէս Շահին նման է.
« Սամուրն այն (այլ) կու որսայ. զարիւնն
« կու ծրծէ, միսն չի ուտեր. երթան գտանեն
« զՍամուրն, և զմորթն մուշտակ կու շի-
« նեն թագաւորական: Սունկուրի կենդանին
« հազար սպիտակ կու ծախեն, և յորժամ
« մեռանի՝ այլլի հազար սպիտակ կու առ-
« նրն, զի շահարար է ամենայն օրուածքն
« նորա, միսն և եղն, ոսկրն և թեպուրն,
« զի բնութեամբ տաք է, որ չկայ այլ իւր
« նման: Այս թռչունս ահագնատեսիլ է քան
« զամենայն պատառող թռչունսն և յուժեղ:
« Հետ չորքոտանեաց երթայ միաւորէ, և
« յորժամ ձու ածէ, նստի, հետեանց հայի.
« յորժամ ձուէն ձագն ելանէ, տեսանէ,
« թէ իւր նման է ձագն՝ սնուցանէ. և թէ
« իւր նման չէ՝ վիշապի նման կամ այլ
« չորքոտանեացն նման լինի, ոստնու և փախ-
« չի. և մնայ ձագն Աստուած—ապով»?: —

Շան ստորագրութեան մէջ այլ այս առաս-
պելս գրէ Արրահամ, և կ'աւելցընէ. «Առնն,
« թէ սինճապ թաղին (մնխրագոյն բարակ
« շունն) այն Սունկուր հաւուն ածած հաւ
« կիթէն է եղած. քանզի թաղին այն փոքր
« թխու նման նշան ունի, ոմանք ասեն, թէ
« վիշապք այլ Սունկուր հաւուն ձուէն կու
« ծնանին, քանզի հաւն այն շատ ցեղ
« չորքոտանեաց հետն միաւորի»:

Երրորդ թռչունն «Պաշապակ, քան զՊա-
« զան (Բագայ) մեծ է և զօրաւոր և ալա-
« ճայ է. փոքր եղնիկն որ Եղադնորձայ ասեն
« թուրք բառով, զայն առնու սատակէ կտու-
« ցոյն և ճանկոյն և ուտէ. եւս առաւել
« զլապրստակն, իսկի չի կարեր խալըսիլ ի
« նորա ձեռացն: Ի կուրծիստանն աղէկն
« կու գտանի»:

Արժուեաց մեծագոյն տեսակն՝ որ յԵրու-
պա՝ յԱլպեանս Գառանց գիշատիչն կոչուի,
մեր կենդանաբանէն թուրք լեզուաւ երկու
անուն ունի, «Ղարայդռչև զոր Տալշանձիղ
« (նապատակ որսացող) ասեն. մեծ ահա-
« զին է քան զամենայն պատառող թռչունսն
« և զօրաւոր, մինչեւ ի ձայնէն նորա սարսիւն
« գազանքն անապատին. ի բարձանց ի վայր
« իջանէ գոռալով, որպէս թէ երկինքն որո-

« տաց, և քաջապէս առնու զեղն, զեղն և
« զոչխարսն և զայլսն ամենայն, եւս առա-
« լել զմարդն և զձին. ապա շէն տեղ չի
« լինիր, անբնակ մեծամեծ լեռունքն կու
« լինի. ապա հարիւր տարին մի անգամ
« կու փոխէ զփետուրն. զի ասէ մարգարէն
« Դաւիթ, «Նորոգեացի որպէս արծուի ման-
« կութիւն քո», և հազար տարի կու ապրի:
« Տեսաք աչօք մերովք, մարդ մի՝ ունէր այս
« Ղարագուշս, և ինքն հիծեալ էր ի ձի, և
« թռչունս յետեւ ձիոյն կանգնեալ էր, և
« արջ մի մօտ իւր. յորժամ հեծնուր մարդս
« ի ձի և արջ զուգէկին (ասպանդակ) կու
« բռնէր, և երկու շուն այլ կայր հետ իւրն,
« և պահէին զնոսա. և բոլոր տարի մի
« շրջագայէր ի քաղաքն Ըստամպուլ. և մար-
« զիկն հետ իւր շրջագայէին. որպէս զար-
« մանք երեւէր մարդկաց և ապա մէկ տա-
« բուն ի վեր՝ այլ չերեւեցաւ»:

Բանաստեղծից և ամենայն զգայուն ա-
կընջաց սիրելի և զմայլելի երգահաւն Սո-
խակ, ինամով ստորագրուած է յԱրրահամէ.
« Հայերէն Պըչպոշ, թուրք՝ Պոշպոշ. յոր-
« ժամ որ գայ տեղ մի որ ուզէ բնակիլ և անդ
« բուն գնել և ձագս հանել, առու գնացման
« ջրային տեղրանքն կու սիրէ, ծաղկանաց՝
« եւս առաւել վարդի՝ աշրք (սիրահար) է.
« անուշ ձայն և երգարանն կու սիրէ. յոր-
« ժամ տեղ մի անուշ եղանակին կամ թելէ
« երգ նուագն, ունին գնէ, և առաւել սիրուն
« թրմրի, որպէս զխելագար անկանի՝ մինչեւ
« ժամ մի կամ աւելի, ապա խելքն ի վե-
« րան գայ: Յորժամ վարդ տեսանէ բացեալ
« կամ ի կոկոն, երթեալ նստի ի դիմացն,
« հայի, և ձայն ցեղուցեղ երգէ, մինչեւ որ
« զգիշերն այլ ձայն ածէ մինչեւ ի լոյսն.
« յետոյ տեսանէ որ լուսացաւ, քիչ մի
« հանկչի և երթեալ կերակրի և ջուր խմէ և
« լուացվի. ապա կամաց խելքն ի զլուխն
« գայ մինչեւ իրիկուն. ապա տեսանէ որ
« երեկոյացաւ, այլ սկսանի խօսիլ մինչեւ
« ի լոյս. զի սիրու տէր է ծաղկանց և վար-
« զի. լինի որ զինքն ի վարդին տերեւն
« հարկանէ, ընկնի և այնպէս մնայ. և թէ
« այն պահն ջուրն ձգէ զինքն և լուացվի,
« կու մեռանի. զի առաւել սիրուն նուագեալ